



ज्वजलपा वाःपौ

JWOJALAPA NEPALBHASA WEEKLY

दैं: ६ ल्या: ३४ पूर्णाङ्क: ८६

ने. सं. ११३६ चिल्लाथ्व पञ्चमि आइतवा: २०७२ फागुण ३० गते आइतवार (Mar- 13, 2016)

मू: ८/- (च्यातका)

नेवा: पत्रकार राष्ट्रिय दबूया मिनि महाधिवेशन क्वचाल

ज्वजलपा वाःपौ

वइगु बैशाख ११ गते किपुलिइ जुइगु नेवा: पत्रकार राष्ट्रिय दबूया निक्वःगु तःमुंज्याया तयारी कथं मिनि महाधिवेशनया रुपय् यें जिल्लाया निक्वःगु तःमुंज्या शुक्रवा: क्वचाःगु दु ।

नेवा: पत्रकार राष्ट्रिय दबू यें जिल्लाया नाय: नातिकाजि महर्जनया सभापतित्वय् जूगु उगु तःमुंज्याय् एमालेया सांसदपिं रामवीर मानन्धर, विनोद श्रेष्ठ, सभासद प्रभादेवी बज्राचार्य, नेपाली कांग्रेसया सांसद ध्यानगोविन्द रजित, नवीन्द्रराज जोशी, पुलांमह राज्यमन्त्री तीर्थ राम डंगोल, ने.सं. ११३६ राष्ट्रिय न्हूदं समारोह समितिया नाय: डा. महेशमान श्रेष्ठ, आदिवासी पत्रकार महासंघया मूल्याञ्जे गजुरधन राई, ज्यापू महागुथि यें महानगर समितिया नाय: बाबु राजा महर्जन, नेवा: पत्रकार राष्ट्रिय दबूया केन्द्रीय नाय:



श्रीकृष्ण महर्जन, न्वकूपिं राज्यलक्ष्मी शाक्य, नृपेन्द्रलाल श्रेष्ठ, सुनिल महर्जन, मूल्याञ्जे उदेन न्हूसायिम, छयाञ्जे राजु नापित यल जिल्लाया नाय: सुरज व्यञ्जनकार, खप जिल्लाया नाय: के.के. मानन्धर, नेवा: पत्रकार दबूया दक्ले थकालिम्ह रमा कर्णजीत लगायतपिं पाहां जुयादीगु खः ।

दबुलिइ पाहां जुयादीपिं सकलसिनं मंका: कथं नेवा: पत्रकार राष्ट्रिय दबूया यें जिल्लापाखें पिथंगु नेवा: ज: विशेष ल्या: पितव्वज्या याना तःमुंज्याया उलेज्या यानादीगु खः । उद्घाटन सत्रलिपा जूगु बन्दसत्रं नातिकाजी महर्जनया नेतृत्वय् २१ म्हेसिया

ज्यासना पुचः सर्वसहमतिं नाय: नातिकाजी महर्जन, न्वकूपिं रत्नकाजी महर्जन, विराजकाजी राजोपाध्याय, रेखा शाक्य, छयाञ्जे प्रजित शाक्य, ल्यूछ्याञ्जे सुपमा महर्जन, दांभरिइ सानुकाजी महर्जन अथेहे दुजलय् रामभोला महर्जन, बालकृष्ण महर्जन, अ. श्रद्धाचारी, किचः सिं, गोपालदास श्रेष्ठ, शकुन्तला महर्जन, राज्यरत्न बज्राचार्य, राजेन्द्र मानन्धर, अभिनव जोशी, पौभा: डंगोल, रेणुका श्रेष्ठ, विनोद तुलाधर, तीर्थ महर्जन, अर्बिनमान सिं, बाबु राजा महर्जन, अनिता श्रेष्ठ, अन्दिरा श्रेष्ठ, पुण्यराज शाक्य, अनुप प्रधान, व रुपिन डंगोल खः । उगु तःमुंज्यां ल्यःगु जिल्लाया

ज्यासना पुचलय् किपूया राज्यरत्न बज्राचार्य, अभिनव जोशी, रामभोला महर्जन व पौभा: डंगोलयात ल्यःगु खः ।

वइगु बैशाख ११ गते किपुलिइ जुइगु केन्द्रया निक्वःगु तःमुंज्याया नितिं केन्द्रीय पार्षद नं ल्यःगु खः । उगु पार्षदय् किपूया न्हय्म्ह पत्रकारतय् नं ल्ययेगु ज्या जूगु खः । किपूया पत्रकारपिं नजरराम महर्जन, देवराज महर्जन, शरवकुमार महर्जन, रत्नमान महर्जन, प्रताप महर्जन, रिदेन महर्जन व नविन जोशीयात ल्यःगु खः ।

आदिवासी जनजाति महासंघया

केन्द्रीय नेतृत्व किपुलिइ

राज्य बहिस्करणय् लाकातःगु समुदाय नेपा:या आदिवासी जनजाति पत्रकारतय्गु मंका:गु संगठन आदिवासी जनजाति पत्रकार महासंघ (फोनिज)या केन्द्रीय समितिया बैठक न्हापांखुसि किपुलिइ सोमवा: च्वनीगु जूगु दु ।

देय्न्त्यंकया थीथी जिल्लापाखें प्रतिनिधित्व यानादीपिं आदिवासी जनजाति पत्रकारत किपुलिइ जुइगु मुंज्याय् सहभागी जुइ धका: फोनिजया महासचिव गजुरधन राई नं जानकारी बियादीगु दु ।

नेवा: पत्रकार राष्ट्रिय दबू, तामाङ संचार समूह, लिम्बु पत्रकार संघ, मगर पत्रकार संघ, किरात राई पत्रकार संघ, गुरुङ पत्रकार संघ, थारु पत्रकार संघ व शेर्पा पत्रकार संघ नापं जाना नेपा:या आदिवासी जनजाति पत्रकारतय्गु मंका:गु संगठन फोनिज दयेकूगु खः ।

आदिवासी जनजाति पत्रकारतय्सं थौया इलय् म्हितेमा:गु भूमिका, भावि योजना, देय्ना राजनीतिक अवस्थायात कया तक सहलह ब्याका: मुंज्याय् क्वःछिइगु ज्या जुइ धाःगु दु । नापं मुंज्याय् सहभागी जुयादीपिं पत्रकारपिन्त किपूया विषययात कया नं जानकारी बिइगु जुइ धाःगु दु ।

राष्ट्रिय हात्तीपाईले रोग निवारणको लागि

आम औषधी सेवनबारे जानकारी

परजिवीबाट संक्रमित लामखुट्टेको टोकाईबाट सनें हात्तीपाईले रोग निवारणको लागि वि.सं. २०७२ को आम औषधि सेवन गराउने कार्य तालिम प्राप्त स्वास्थ्यकर्मी तथा स्वास्थ्य स्वयंसेवकहरुबाट सम्पन्न हुँदैछ । यस अभियानमा खुवाईने दुई थरी औषधिले रोगको उपचार हुनुको साथसाथै रोग लाग्नबाट समेत बचाउने हुनाले यी औषधिहरु सेवन गर्नु आवश्यक छ । यी दुवै औषधिहरु वपौदेखि उपचारको लागि प्रयोगमा आइरहेको र सुरक्षित औषधि हुन् । विश्वभर अरबौ मात्रा र नेपालमा हालसम्म पटक पटक गरी ९ करोडभन्दा बढी मात्रा औषधि सेवन भई सकेको छ ।

हात्तीपाईलेको औषधि दुई वर्ष नपुगेका केटाकेटीहरु, गर्भवती र ७ दिनसम्मका सुत्केरी, छारे रोगी तथा सिकिस्त विरामीहरुले खानु हुँदैन । यो औषधि खाली पेटमा खानु हुँदैन । अरु सबै व्यक्तिले स्वास्थ्यकर्मी तथा स्वास्थ्य स्वयंसेवकहरुले भने अनुसार खाना सँगै वा खाना पछि औषधि खानु पर्दछ । औषधिको सेवन गरे पछि हात्तीपाईलेको परजिवी शरीरमा भएमा कसै कसैमा ज्वरो आए जस्तो हुने, टाउको दुख्ने, रिङ्गटा लाग्ने, वाक वाकी लाग्ने जस्ता सामान्य असर हुन सक्दछ । यस्ता असरहरु बिना उपचार आफै केही समयमा ठीक भएर जान्छन् । यदि ठीक नभएमा नजिकको स्वास्थ्य संस्थामा तुरन्त जाऔ र जाने सल्लाह दिऔ । हात्तीपाईलेको औषधि खाएर आफू र आफ्ना सन्ततीहरुलाई रोग लाग्नबाट बचौ र बचाऔ ।

मिति २०७२ फाल्गुण २९,३० र चैत्र १ गते औषधि खुवाईने जिल्लाहरु :

भोजपुर, इलाम, भापा, धनकुटा, तेह्रथुम, ओखलढुङ्गा, पाँचथर, सप्तरी, सिरहा, सुनसरी, ललितपुर, बागलुङ, म्याग्दी, पर्वत, लमजुङ, दाङ, रोल्पा, रुकुम, सल्यान, बाँके, बर्दिया, जाजरकोट, सुर्खेत, दैलेख, बैतडी, डडेलधुरा, डोटी, कैलाली, कञ्चनपुर, अछाम, बझाङ, बाजुरा र दार्चुला ।



स्वास्थ्य मन्त्रालय

स्वास्थ्य सेवा विभाग

इपिडिमियोलोजी तथा रोग नियन्त्रण महाशाखा



नेवा: पत्रकार राष्ट्रिय दबूया काभ्रे जिल्ला कचाया निक्वःगु तःमुंज्या बुधवा: बनेपाय् क्वचाल । तःमुंज्यां न्हय्म्हेसिया ज्यासना पुचः ल्यःगु खःसा जनमत लय्पौया सिद्धिबहादुर कर्माचार्ययात नाय: ल्यःगु दुसा प्राइम एफएमया पूर्णिमा रजितकारयात छयाञ्जे व अरनिको टेलिभिजनया निरंजन कायष्ठयात ल्यःगु दु । अथेहे दुजलय् तुयुकाजी कायष्ठ, टिकाभक्त भोछिंभ्वय्, दिलिप कुमार श्रेष्ठ व सुरेन्द्र कुमार श्रेष्ठयात ल्यःगु दु । नेवा: पत्रकार राष्ट्रिय दबू काभ्रे कचाया नाय: रमा कर्णजितया सभापतित्वय् जूगु खःसा दबूया केन्द्रीय नाय: श्रीकृष्ण महर्जनया मूपाहाँसुइ जूगु उगु तःमुंज्याय् मूपाहाँ महर्जन, पाहाँ काभ्रेया साहित्यकार नापं पत्रकार मोहन दुवाल नेवा: पत्रकारत छप्पं छथी जुयावनेमा:गु बारे थःथःगु बिचा: प्वंकादीगु खः । तःमुंज्याय् पाहाँ कथं नेवा: पत्रकार राष्ट्रिय दबूया न्वकूपिं नृपेन्द्रलाल श्रेष्ठ, सुनिल महर्जन, यें जिल्लाया नाय: नातिकाजी महर्जन, यल जिल्लाया नाय: सुरज व्यञ्जनकार, खप जिल्लाया नाय: के.के. मानन्धर, केन्द्रीय दुज: राजेन्द्र शाक्य, नेपाल आदिवासी जनजाति महासंघया केन्द्रीय दुज: प्रजोल श्रेष्ठ व नेवा: पत्रकार राष्ट्रिय दबूया निक्वःगु तःमुंज्या जिल्ला समन्वय समितिया ल्यूकजि मिरा अमात्य पाहाँ जुयादीगु खः ।

बन्द शत्रय् नेवा: पत्रकार राष्ट्रिय दबूया न्वकू नापं जिल्ला समन्वय समितिया कजि नृपेन्द्रलाल श्रेष्ठयात निर्वाचन अधिकृत कथं ल्यःगु खःसा दुजलय् न्वकू सुनिल महर्जन व जिल्ला समन्वय समितिया ल्यूकजि अमात्ययात ल्यःगु खः । सर्वसहमतिं न्हूगु नेतृत्व ल्यःगु खःसा सल्लाहकारय् मोहन दुवाल व रमा कर्णजीतयात ल्यःगु खः । प्यम्ह केन्द्रीय पार्षद ल्यःगु खः । मोहन दुवाल, रमा कर्णजित, सिद्धिबहादुर कर्माचार्य व सूर्य प्रसाद लाकोजुयात केन्द्रीय पार्षद कथं ल्यःगु खः ।

कुतः पिकाकःया नीन्यादँ बुन्हि व प्यंगु सफू पितव्वज्या



ज्वजलपा वा:पौ/

ख्वपया विमल ताम्राकारया अध्यक्षताय् नीस्वनातःगु कुतः पिकाकः या नीन्यादँ बुन्हिया लसताय् वंगु बुधवा: नेपा: बैक्वेट खुसिबुँ, यें तःजिक छगू ज्याभवः याना: हन ।

तिलकप्रसाद काय्पुठया सभानायःसुइ जूगु उगु ज्याभवःया मूपाहाँ जनकवि दुर्गालाल श्रेष्ठ, पाँहाँपिं सुरवहादुर श्रेष्ठ, केदारनारायण मानन्धर, गौतम मानन्धर, इन्द्रमाली भायादीगु खः । अथे हे विमोचन जुइगु सफूया च्वमिपिं डा.तुयुवहादुर महर्जन, पशुपतिमान पःमां व तीर्थभक्त थकूयात नं पाहाँकथं व्वना: मञ्चय तःगु खः ।

पितव्वज्या जूगु सफूत नांदंमह उपन्यासकार मथुरा सायमिया 'खालु' उपन्यास, डा. तुयुवहादुर महर्जनया 'ख्वप भाषिकाया खँवः धुकू', पशुपतिमान पःमांया 'भिंमह मनू' व तीर्थभक्त थकूया 'सर्गः' काव्य पाहाँपिं सकसिनं मंकाःकथं पितव्वज्या यानादीगु खः ।

ज्याभवलय लसकुस न्वचू साहित्यकार सौरभ शाक्यं वियादीगु खः । वयकलं कुतः पिकाकःया वःचाहाकःगु म्हसिइका विया: दीगु खः । उगु ज्याभवलय मथुरा सायमिया उपन्यास 'खालु'या समीक्षा इन्द्र माली यानादीगु खः । अथे हे कुतः पिकाकः व विमल ताम्राकार या म्हसिका कृष्णभक्त बोडें न्ह्यव्वयादीगु खः ।

अथे हे विमल ताम्राकारया न्ह्यागु ज्याय थाकुमचा:से ग्वाहालि यानाच्चनादीमह वयकःया तिरिमयजु विष्णु ताम्राकारयात नं मञ्चय सःता म्हसिइका विया: हंगु खः ।

ज्याभवलय कुतः पिकाकःया विमल ताम्राकारयात कुतः पिकाकःया नीन्यादँ बुन्हिया लसताय् व निसःगू सफू पियनादीगुलिं हनेज्या नं याःगु खः । जनकवि दुर्गालाल श्रेष्ठ व तिलकप्रसाद कायस्थं विमल ताम्राकारयात हनापौ लःल्हानादीगु खः ।

उगु ज्याभवलय विमल ताम्राकारं कुतः पिकाकः नीस्वनेगु ज्या ११११ दँय जूगु खः । ने.सं.११११ यंलाथ्व १४ आइतवा: कुन्हु तिलिकता स्वां पियनागु दिं यात कुतः पिकाकःया थापं यानागु न्हियात कयागु खँ कनादिल । नेपालभाषाया सफूत म्होजक पिदनाच्वंगु खना: नुगलय् थुंदि अले नेपालभाषाया दँय छगु जक जूसां सफू पियनेगु आजु ज्वना कुतः पिकाकः नीस्वनागु खँ कनादिसें ने.सं.१११४ थिलानिसें लुंवाखा लयफय् पौ कुतः पिकाकःपाखें पियनागु खँ कनादिसें थः जापान वनेमाःगुलिं उगु लयपौ सच्छिगु ल्याःतक पियना दिकेमाःगु तसकं दुःख तायेका दिल । थौं कुतः पिकाकः पलिस्था जूगु नीन्यादँ क्यन थुगुसी हे

पिदंगु सफूया ल्या: नं निसःगु थ्यन धका: लसता प्वंका:दिसें पियना सफूया धलः न्ह्यव्वयेगु भवलय कुतः पिकाकःनं नीन्यादँया दुने २०२ सफू पियनेत ताःलागु खँ कनादिल । गुकि काव्य ८०, वाखं ३२, निवन्ध १५, उपन्यास २६, संस्कृति २, नाटक ३, समालोचना १२, भाषा व भाषा विज्ञान ११ उगुथुगु २१ यानां ब्याक्कं २०२ गु सफु पियने धुकूगु धलः न्ह्यव्वया दिल ।

ज्याभवलय 'खालु' उपन्यासया मिसा पात्र मिश्रीया उमेर अनुमान यायेगु कासा फेसवुकपाखें न्ह्याकूगुलिं पायछि उमेरया लिसः २९ दँ खः धका: वियादीमह अमेरिका च्वनादीमह केशरमान ताम्राकार यात प्यद्रः तका दां सिरपा: कथं देछा:गु खःसा २९ दँया जःखः २८ व ३० दँ खः धका: पायछि मजुइक लिसः वियादीपिं स्वम्ह व्यक्तिपिं गजेन्द्रमान मानन्धर, सुमन श्रेष्ठ व रामदास श्रेष्ठपिन्त म्हतं द्रुछि-द्रुछि तका दां सिरपा: लःल्हा:गु खः ।

उगु ज्याभवलय 'खालु' उपन्यास च्वमि मथुरा सायिमं थीथी व्वनामिपिनिगु प्रतिक्रिया मुंका: आ: याकनं हे 'खालुया सवा:' नांया सफू पियनेगु घोषणा नं यानादीगु खः ।

ज्याभवः शशिकला मानन्धरं न्ह्याकादीगु खः ।

सत्यमोहन जोशीया “अरनिको कृत श्वेतचैत्य” सफू पितव्वज्या जुल

ज्वजलपा वा:पौ

सताब्दी पुरुष एवं संस्कृतिविद सत्यमोहन जोशीया अरनिकोकृत श्वेतचैत्य सफूया पितव्वज्या वंगु शुक्रवार नेपालभाषा एकेडेमी कपूया हलय प्रधानमन्त्री केपी ओली यानादिल ।

नेपालभाषा एकेडेमीया चान्सलर चित्तरञ्जन नेपालीया सभानायःसुइ जूगु ज्याभवःया मूपाहाँ प्रधानमन्त्री खड्गप्रसाद ओली, विशेष पाहाँ चिनिया राजदूतावास नेपालया सहचारी चाङ्ग पिङ्ग, मेपिं पाहाँपिं सफूच्वमि शताब्दी पुरुष व संरक्षक सत्यमोहन जोशी, समालोचक प्रा.प्रेमशान्ती तुलाधर, भाय्हीकामि अनुराज जोशी, भाइस चान्सलर यज्ञरत्न ध्वाख्याः, सदस्य सचिव मल्ल के सुन्दर, दांभरिं डा. पुष्पराज राजकर्णिकार, दुजःपिं लक्ष्मीदास मानन्धर, डा. तेजरत्न कंसाकार, डा.चन्द्रमान बज्राचार्य, नजरराम महर्जन, दीपक तुलाधर व विजय असं बरे ।

लसकुस न्वचू सदस्य सचिव मल्ल के.सुन्दरं वियादीगु खः । थःगु न्वचुलय् वयकलं, नेपालभाषा एकेडेमि जनताया ग्वाहालिं चलय जुयाच्वंगु खः । थुकी सरकारपक्षं दांछि दां नं ग्वाहालि याःगु मदुनि । थन तयातःपिं कर्मचारीपिन्त तलव तर्क वीफुगु मदुनि धका: एकेडेमीया दुःख प्वंकादील ।

सफूया बारे प्रा.प्रेमशान्ति तुलाधरं समिक्षा यानादिल । पीदँ न्ह्यःहे नेपालभाषां पिदंगु थुगु सफूया अंग्रेजीभाषां न्हापा हे भाय्हीला पिदने धुकूगु खँ कंसं थ्व सफूतिं नेपाल चीनया सांस्कृतिक सम्बन्धया बारे दुग्यंक कुलातःगु दु धयादिल ।

भाय्हीकूम्ह अनुराज जोशीजुं थ्व सफूया बारे देश विदेशयापिन्सं नं सिइके फयेमा धका: थःम्हं हे छुं दँ न्ह्यः अंग्रेजी व आ: खसभाषां भाय्हीला वियागु खँ कनादिल ।

विशेष पाहाँ चिनीया राजदूतावासया सांस्कृतिक सहचारी चाङ्ग पिङ्ग अरनिको दयेकाःथकूगु श्वेत चैत्य अजतक नं दुगु थःम्हं खनागु तर उकिया बारे बांलाक जानकारी मदुगु, यदि थ्व सफू चिनीयाभाषां नं अनुवाद जूसा अझ बांलाक थुइके फौ धका: विचा: तयादिल ।

सकसियागु खँ न्यनेधुंका: मूपाहाँ प्रधानमन्त्री खड्गप्रसाद ओली अरनिको नेवा: हे जुइ, थुज्वःगु ज्या नेवा:तसैं बाहेक मेपिन्सं याये फइमखु । थौतक नं नेवा: समुदाययाके चैत्य निर्माण यायेगु शीप ल्यनाच्वंगु दु धासैं नेवा:तयगु शीपया प्रशंसा यानादिल । जनताया ग्वाहालिं संचालन जुयाच्वंगु थुगु नेपालभाषा एकेडेमीयात सरकारं नं फुगु चाःगु ग्वाहालि यायेगु बचं वियादिल ।

शशिकला मानन्धरं न्ह्याकूगु ज्याभवः क्वचाःगु इलय कीर्तिपुर नगरपालिका खानेपानी संघर्ष समितिं किपुली जुयाच्वंगु लःया समस्या बारे प्रधानमन्त्रीयात ज्ञापन पत्र लःल्हागु दु ।



न्हूगु शिक्षां हःगु पश्चिमा संस्कृति

—कमला—

नेपाःया परिस्थिति छगू गतिशीलरूपं परिवर्तन वयाच्वंगु दु । थुकी सकारात्मक व नकारात्मक नितां दु । देसय् लोकतन्त्र वल । थ्व सकारात्मक खः, गणतन्त्र वल थ्व सकारात्मक खँ खः । तर थुकिया ल्यूल्य थन अशान्ति, असुरक्षा व राजनैतिक दादागिरी सुरु जुल थ्व नकारात्मक पक्ष खः । अथेहे देय्या परिवर्तन नापं शैक्षिक खलय नं उतिकं हे परिवर्तन वःगु दु । शैक्षिक खलय छगूकथं धायेगु खःसा बांलाःगु परिवर्तन वःगु दु । स्तरीय शिक्षा काये खनावःगु दु । तर थुकी नं क्वबुइ थाकूगु फीया भार ला द हे दु मेगु थन स्पष्ट शिक्षा नीति मदुगु कारणं जुयाच्वंगु ढिलासुस्ती व मेमेगु नकारात्मक पक्ष नं दु । अथेहे छगू देशया धर्म संस्कृतियात नं प्रभाव जुइगु छगू विषय जू वंगु दु - पश्चिमी देय्या प्रभाव ।

खयतला न्हूगु शिक्षां हःगु प्रभाव धकाः तप्यंक धाये मछिंगु थ्व पश्चिमी देय्या सांस्कृतिक प्रभावया खँ दुने गुलिखे सकारात्मक पक्ष नं दु धाःसा उच्चः नकारात्मक पक्ष नं दु । थन पश्चिमी देय्या यक्व बांलाःगु खँ दयाः नं उकिया

नक्कल यायेगु उलि चलन मदु । तर बांमलाःगु खँय् तुरुन्त हे नक्कल जुइ धुंकी । थज्याःगु ज्या विशेष यानाः युवा पुस्तां याइगु खः । युवा पुस्ता धैगु उच्चः धइथें विद्यार्थीत नं लाः । उकिं शिक्षाया थीथी खँ नापं इपिं वनीगु कलेजया वातावरण नं इमित पश्चिमी संस्कृतिया अनुशरण यायेगु लँय् प्रेरित याःगु खनेदु ।

थन ल्याय्म्ह पुस्तां थःपिनि परम्परागत सांस्कृतिक धार्मिक खँयात विस्तारीं त्वःता वनाच्वंगु दु । थ्व पुस्तां थःपिनिगु फुक्कं गौरवपूर्ण रितिरिवाज त्वःताः वनेगु खःसा थयां लिपाया पुस्तां भीगु संस्कृति तजिलजि गथे याना स्वये खनी न्हयसः चिं नापं दनावःगु दु ।

न्हापा जूसा मिसा मिजं नापं जुइगु तकं वेक्वः मिखां स्वैगु । थौकन्हय् सकसियां न्हयःने गुकथं जुइ च्याचवने माःगु खँ मखय् धुंकल । पश्चिमी खुल्ला यौनया प्रचारं थुगु वरायात बांमलाक्क आकर्षण याःगु दु । अथेहे पश्चिमी फेशन नं उतिकं हे आकर्षण याःगु दु । थःपिनि कलेज चले यायेत आकर्षक युनिफोर्म तयेगु नामय् कलेजतय्सं

नाजकया मिनिस्कर्तक व्यवहारय् हयाच्वंगु दु । गुगु खँ पूर्ण रुपं पश्चिमी संस्कृति प्रभावित खः । अर्भं धायेगु खःसा पश्चिमी देशया कलेजया युनिफोर्म तकं थये चीहाकःगु मिनिस्कर्त जुइमखु जुइ ।

मेखे स्कूल कलेजया ल्याय्म्ह नच्चा ल्याय्म्हपिं विद्यार्थीतय्सं हनीगु नखः नं पश्चिमी संस्कृति प्रभावित जूगु खनेदु । थौकन्हय् दकलय् लोकह्वाःगु युवातय् नखः खः भ्यालेन्टाइन डे ।

मतिना दिवस युवातय् दकलय् आकर्षण दुगु दिवस खः । लिपांगु इलय् क्यंगु छगू तथ्याकं थुखुन्हु दिनय् गुलाफ स्वयां कण्डमया विक्री उच्चःगु ख ल्याय्म्हत गुखेपाखे आकर्षित धैगु क्यं । थन थौं मतिना कन्हय् त्वःतेगु फेशन नं चले जुइ धुंकल । थुकथं ल्याय्म्ह पुस्ता न्हू शिक्षाया नामय् आधुनिक जुइगु नामय् पश्चिमी संस्कृति प्रभावित जुयावनाच्वंगु दु । थःगु संस्कृति वचे यायेया नितिं थुगु इलय् विज्ञतय्सं युवा जमातयात आकर्षण यायेकथंया योजना पित हयेमाःगु स्थिति दु । थुकियात सकसियां बांलाक विचाः याना स्वयेमाःगु खनेदु ।

छं फुक्कं थूगु खः

जि सिनाच्वंगु छगू पाल्चा खः
जित च्याका बिउ जि च्याना बी
जि छंगु मिखाया मिखा जुया बी
थ्व दुनिया छु खः जिं क्यना बी



अशोक सोकी

थ्व खँ थुइकी छंगु खबिया
जि रुमाल जुइ
थपाय्धंगु संसारय्
सुख गनं मदु
मालेमते हालेमते
न्त्याथ्याय् स्वःसां दुःख दु
सुख दला दु गन दुलय्
धाःसा छंगु मनय् दु

व आनन्दया छगु रस खः
न्त्याइपुस्से च्वंगु छगू जः खः
खुसिया छगु सः खः
थजागु खँ थुइवं हे
जीवन छगू हिलाः वनीगु
चुलुक्क चूलाइगु संयोग खः
व संयोगय् गुगु नं घटना जुइ
व कर्म धाइगु छगु भाषा खः
थ्व छगु भावना खः
थ्व भावना थुइवं हे
आनन्दया जः खनीगु खः

सकल प्राणीया सासः
ल्हायेगु फय् वहे खः
पलातयगु लँ वहे भुमि
द्योनेच्वंगु लँ खः
नयेमास्ते वइवले नयेगु
नसा वहे खः
निगु इञ्चयागु
म्येजक छुट्टे खः
सु धनि सु गरिव
म्हानाच्वंकसिया प्यास
लनेगु वहे लः खः
स्वयेगु प्रकृतिया
दृश्य वहे खः
छुट्टे छुं मदुसां
छुट्टे छगू भावना खः
थुलि खँ सीगुं
छं फुक्कं थुगु खः ।

४ सय ७१ क्वःगु यलय् ईतिलहन सम्यक महादान

बुद्धधर्मय् तसकं महत्व दुगु प्यदँ फुना न्यादँ क्यनीगु इलय् यलया नागबहालय् जुइगु ईतिलहन सम्यक महादान थुगुसी नं जूगु दु ।

थुगुसी फागुण २८ व २९ गते शुक्रवाः व शनिवाः महादान जूगु जूसां नं शनिवाः मूल रुपं दान विइगु ज्या जूगु खः । तःजिक जूगु उगु सम्यक महादानय् ढलंढःम्ह मनूत सहभागी जूगु खः । अथे हे सच्छिम्हं मल्याक थीथी दिपंकर बःपिनिगु उपस्थिति याकागु खः । यल, किपू, च्वबाहाः, बुंग, यँ नापं खपया दिपंकर बःपिन्त भूवलकं तया अथे सम्यक महादान याःगु खः ।

वंशावली कथं थनि न्हयःसःदँ न्हयःनिसँ हे थुगु कथंया सम्यक महादान जुया वयाच्वंगु खः । सम्यक महादान विक्रम संवत् १७६१ साल तक दँय् दसं जुया वयाच्वंगु खः । लिपा १७६२ निसँ सम्यक गुथिया आयस्ता म्हो जुल धकाः प्यदँ फुना न्यादँ क्यनीगु इलय् उगु कथंया ईतिलहन सम्यक महादान यायेगु सुरु याःगु खः । आः तकया दुने सम्यक महादान ४७१ क्वःगु खः । उकिं थुगुसीया सम्यक महादानयात प्यसः व न्हय्प्यक्वःगु खः धकाः रवसाः खलकं धाःगु दु ।



देय्नुयंकंया नेवाः पत्रकारतय्त

नेवाः पत्रकार राष्ट्रिय दबूया विशेष इनाप

नेवाः पत्रकार राष्ट्रिय दबूया निक्वःगु तःमुँज्या थ्व हे वइगु ने.सं. ११३६ चौलागा पारु (०७३ बैशाख ११) गते शनिवाः कुन्हु ऐतिहासिक नगरी किपुलिइ जुइगु जूगु दु ।

वाइगु चैत्र ६ गते खप कचाया तःमुँज्या जुइगु नापं स्वनिगलं पिनेया जिल्ला जिल्लाय् नं तःमुँज्या जुयाच्वंगु दु ।

सम्बन्धित जिल्लाया पत्रकार व संचारकःमि पासापिसं कचाया पदाधिकारपित स्वापू तयाः जः न्हूधाः यानादीत, न्हूजः जुयादीत इनाप यानाः ।



नवाः दबूया राष्ट्रिय दबू

National Forum of newa: Journalists

ने.सं. ११३२

निक्वःगु तःमुँज्या

झःझः धायेक हने


ने.सं. ११३६ चौलागा पारु

(०७३ बैशाख ११) गते शनिवाः



श्रीकृष्ण महर्जन

तःभुखाचं क्षति मज्गु ऐतिहासिक नेवा: वस्ती पन्ति



पन्तिया म्हसीका

यें नं ३६ किलोमिटर दक्षिण पूर्वय लानाच्वंगु ऐतिहासिक नाप सांस्कृतिक रुपं तसकं महत्वपूर्णगु नेवा: वस्ती खः पन्ति अर्थात पनौति । पलाती, अस्म नगर व पल्लवति धका: नं धायेगु याना वयाच्वंगु पन्ति धइगु लच्छिविकालीन

इन्द्रेश्वर महाद्यःया देगः

पन्तिया दक्ले आकर्षण सम्पदा धइगु हे इन्द्रेश्वर महाद्यःया देगः खः । उगु द्यःयाथाय् भारतया काशिं वःपिं जंगम समुदाय पुजारी जुयाच्वंगु दु । तसकं भव्य जुइक दयेकातःगु उगु देगः पेगोडा शैलीया स्वतजाःगु आकर्षक देगः खः । थुगु देगः १३ औं शाताब्दिया देगःया



वस्तीया रुपय् नालातःगु दु । पन्तिइ नेवा: दुने नं श्रेष्ठ, ताम्रकार, प्रजापति, कर्माचार्य, मानन्धर, देउला, खड्गी, कसःजुनिसें स्याउला जातीयापिं तकं च्वनाच्वंगु नेवा: वस्ती खः । दँय दसं ज्या पुन्हि कुन्हु पन्तिइ भैरव, महाद्यः, भद्रकाली व ब्रम्हायणी द्यःया जात्रा याइगु चलन दु । अथे हे पन्तिया सम्पदा धइगु इन्द्रेश्वर महाद्यःया देगः खः । थुगु देगः पनौतिया दक्ले नां जाःगु देगः खः । पेगोडा शैली अर्थात नेपाली शैलीं दयेकातःगु इन्द्रेश्वर महाद्यःया देगः धइगु तसकं भव्य जुइक दयेकातःगु देगः खः । इन्द्रेश्वर देगः दुगु हे लागाय् हे दुगु उन्मत्त भैरव देगःया नं थःगु हे कथंया महत्व दु । अथे हे ब्रम्हायणी, व कृष्ण द्यःया पेगोडा शैलीया देगः दुसा अथे हे रामचन्द्र, केदारनाथ वद्रीनाथ द्यःया गुम्बज शैलीया देगः दयेकातःगु दु । अथे हे पनौतिइ भिनिदँय् छक्कः मेला लगेजुइगु त्रिवेणी घाट नं दु । निगू खुसि ल्वानाच्वंगु उगु घाटयात तःसकं पवित्रगु तिर्थ स्थलया रुपय् नालातःगु दु । माघ १ गते जुइगु थुगु मेलायात मकर मेला धाइगु खः । संसारय् मकर मेला जुइगु भारतया प्रयाग व पन्ती जक खः । उकिं पन्तियात उत्तर प्रयाग नं धायेगु याना वयाच्वंगु दु । पद्मावती, लिलावती व रुद्रमती नांगु स्वंगू खुसिया दोभान जूगुलिं थुगु तिर्थयात त्रिवेणी धका: नं धायेगु याना वयाच्वंगु दु ।

रुपय् नालातःगु दु । इन्द्र व महाद्यःया नां नाप स्वानाच्वंगु इन्द्रेश्वर महाद्यःया देगः पन्तिइ पर्यटकतय्गु नितिं आकर्षणया केन्द्र जुयाच्वंगु दु । थुगु देगः दुने नं ब्यागलं कथंया निगः अंगः दुसा अथे हे दक्ले दुने सियागु थां तयातःगु दु । उकिं इन्द्रेश्वर महाद्यःया देगः धइगु पिने खनेदुगु देगःया स्वरुप दुने नं मेगु स्वंगः देगः दुने जक महाद्यःया मूर्ति खः धका: धाइ ।

पन्तिया वस्ती विकास

पन्तिइ वस्ती विकास जुइ न्ह्यः पन्ति अर्थात पनौतिं करिव २ किलो मिटर पश्चिम उत्तरपाखे न्हापा न्हापा जेला देय् दुगु जुयाच्वन । जेला देय् दुगु लागाय् छुं दँ न्ह्यः तकं भग्नावशेषत लुयावःगु खः धका: स्थानीय मन्तयसं धायेगु याना वयाच्वंगु दु । जेला देशय् तःधंगु प्राकृतिक प्रकोप जुया हे अनं मेगु थासय् वस्ती विकास जुइगु भवलय् पन्ति नं वस्ती विकास जूगु खः धाइ । जेला त्वाल्य् च्वपिं छथ्वः मन्त खपय् छगू त्वाः हे दयेका च्ववन । उकिं जेला

देय्यापिं मन्त च्वंगु त्वाःयात खपय् जेला त्वाः धायेगु यात । अथे हे छथ्वः मन्त यलय् हरिसिद्धिइ च्वंवंगु जुयाच्वन । जेला देय्यापिं च्वंवंगु वस्ती जुया हे जल धका: धाःगु अले व हे वस्ती हरिसिद्धि जुया वंगु खः धाइ । उगु हे कथं छथ्व मन्त धाःसा थौया पन्तिइ च्वंवंगु खः धाइ । थनि थ्यंमथ्यं निद्धःसिबें न्ह्यः हे पन्तिया वस्ती विस्तार जूगु अनुमान यानातःगु दु ।

ऐतिहासिक लायकू

नेपाः एकीकरणया नामय् पृथ्वी नार थापण शाहया फौज आक्रमण याःगु इलय् पन्तिइ नं छगू तःधंगु देय्या रुपय् विकास जुयाच्वने धुकूगु खः । लिच्छिवीकालीन शाशक जयसिंहलाम वदरनया सन्तानपाखें पन्तिइ राज्य संचालन याःगु खः धका: गुलिं गुलिसिं धायेगु याना वयाच्वंगु दु । अले पन्तिइ पृथ्वी नारायण शाहया फौज त्याके धुंका: पन्तिया फुक्क अभिलेखत खपय् यंका च्याका छवःगु धाइ । उकिं पन्तिया खास इतिहास मदु धका: तकं धायेगु याना च्वंगु दु । अथे जूसां पन्तिइ धाःसा लायकू दु । लायकू लागाय् उत्खण्डन यायेगु ज्या जुयाच्वंगु दु । उत्खण्डनया भवलय् पन्तिया लायकू लागाय् लायकूया जग, देगः, चुक लुयावःगु दुसा व वस्ती अर्थात दरवार क्षेत्र इगु थनि ७ सय दँ पुलांगु खः धका: धायेगु यानाच्वंगु दु । लायकू लागाय् स्थानीय मन्तयसं किसि गः धका: नं धायेगु याना वयाच्वंगु दु ।

मनू छैय् सिइ मजिउगु चलन

पन्ति अजूचाइपुगु छगू चलन दु मनू छैय् सिइ मजिइगु । मनू जब तःच्वः जुइ अवले घाटय् अर्थात दिपय् यंकेगु

याइ । छैय् मनू सिके बिइ मजिउ धाइगु मान्यता दु । न्हापा तःधंगु ल्वय् वया यक्व मन्त सीगु घटजना जूगु अले अबले सीपिं भूत प्रेत जुया दुःख बिउगुलिं मन्त छैय् सिके बिइमजिउ धइगु मान्यता ब्वलंगु खः धाइ । उकिं तःच्वः जुइवं दिपय् यंकेमाःगु चलन आः तक नं दु । अथे हे पन्तिइ दुहां वनेगु मू ध्वाखां दुने सीम्ह यंके मजिउ धइगु मान्यता आः तक नं दु ।

तः भुखाचं छं हे मज्गु

तःभुखाचं गोरखानिसें दोल्खा जिल्ला तक तसकं प्रभावित जूगु खः । गोर खानिसें दोल्खा तकया वस्तीइ यक्व हे प्रभावित जूगु खःसा अथे हे सिन्धुपाल्चोक, दोल्खा व खप जिल्ला तकं यक्व हे प्रभावित जूगु खः । दोल्खा व सिन्धुपाल्चोक व खप जिल्ला नाप स्वानाच्वंगु जिल्ला धइगु काभ्रे खः । काभ्रे जिल्लाय् नं वंगु बैशाख १२ गते वःगु तःभुखाय् अले अनं लिपा बैशाख २९ गतेया लिभुखाय् अर्थात पराकम्पं याना यक्व हे क्षति जूगु खः । अथे तःभुखाय् ब्वया स्वनिगलय् जक मखु स्वनिगलं पिने नं यक्व हे नेवाः वस्ति वस्तिइ क्षति जूगु खः । यक्व हे मन्त सीगु खः । अले यक्व हे छै दुना वंगु खः । भौतिक संरचना क्षति जूगु खः । यक्व हे सम्पदात नं क्षति जूगु खः । तःभुखाचं याना यक्व हे नेवाः वस्ती पुनः निर्माण यायेमाःगु अवस्था तकं वःगु दु ।

तःभुखाय् नाप स्वाका नेवाः वस्तीयात स्वयेगु भवलय् स्वनिगःया किपू धइगु तसकं क्षति म्हो जक जुइगु वस्तीया रुपय् नालातःगु दु । ९० सालया तःभुखाय् ब्वःगु इलय् छखा हे छै दुना

मवःगु किपू खः । किपू धइगु छगः ल्वहंया द्यःने च्वंगु नेवाः वस्ती जुया भुखाय् ल्याखं सुरक्षित थाय् कथं नाला वयाच्वंगु खः । तर थुगुसी तःभुखाय् ब्वया किपुलिइ नं छगू दर्जनं मल्याक छै दुना वंगु दु । छुं छुं सम्पदात नं क्षति जूगु दु । अयनं मेमेगु नेवाः वस्तीया तुलनाय् किपुलिइ धाःसा म्हो जक क्षति जूगु खने दु ।

तःभुखाय् कारणं किपुलिइ गुलि म्हो क्षति जुल व सिबें नं म्हो क्षति अर्थात छगू कथं क्षति हे मज्गु नेवाः वस्ती खः पन्ति अर्थात पनौति । ऐतिहासिक नाप सांस्कृतिक रुपं तसकं महत्वपूर्णगु पन्तिइ थुगुसी तःभुखाय् ब्वःया छखा हे छैया आय्पा छपा तकं कुतुं मवःगु खः । भुखाय् ब्वःगु धका: स्थानीय नेवाःतयसं महसूस ला यात तर मानविय नापं भौतिक क्षति मज्गु । दुना वइ थें च्वनाच्वंगु नापं बाखा छै दुना वयाच्वंगु तकं छुं हे मज्गुलिं वास्तव तःभुखाचं पन्तिइ छुं हे मज्गु धका: धायेफइगु अवस्था दु ।

छगः हे ल्वहंया वस्ती

पन्ति धइगु छगः हे ल्वहंया द्यःने च्वंगु वस्ती खः धाइ । आः तक नं खुसिया सिथय् स्वल धाःसां नं ततःगःगु चट्टन खने दु । अले पन्ति वस्तीइ हे अज्वःगु चट्टान दु धाइ । उकिं तःभुखाय् ब्वइगु इलय् नं अन खास हे क्षति मज्गु खः धाइ । भूगर्भविदतसं तकं उगु खंयात स्वीकार याना वयाच्वंगु स्थानीयवासीतयगु दावी दु । अथे जुया हे जुइ ९० सालया तःभुखाय् अथे हे ७२ सालया तःभुखाय् इलय् नं पन्तिइ छखा हे छै दुना मवःगु । पनौति छगः ल्वहहतय् विकास जूगु वस्ति जुया थुगु लागाय् धिकि चलेयाये मजिउ धाइगु मान्यता दु । न्हापा कर्कोट नागराजां युद्ध याःगु इलय् पन्तिया धिकियात तकं नाग याना युद्धय् यंकाः त्याकूगु न्यकं बाखं दु । उकिं पन्तिइ धिकी चले यात धाःसा धिकीइ हे नाग च्वना च्वनी धका: आः तक नं धिकी चले मयाःगु खः धाइ ।



सूचना प्रविधि उपसमिति नीस्वन



समुदाय प्रहरी सेवा समितिया ग्वाहालिं वंगु फागुण २६ गते बुधवा: किपुली सूचना प्रविधि उपसमिति नीस्वंगु दु ।

समुदाय प्रहरी सेवा समितिया संयोजक रविन्द्र प्रधानया नाय:सुइ किपूया होटल हिलसाइडय् सूचना प्रविधि ज्यायानाचर्चपिं मनूतयगु भेलाया:गु ख: । महानगर िय प्रहरी बृत किपूया डिएसपी डा.मेखबहादुर खत्री नं उपस्थित जूगु उगु सहलह मुंज्यां आनन्द महर्जनया संयोजकत्वय् ११म्ह दुज:दुगु सूचना प्रविधि व संचार उपसमितिया ज्यासना पुच: नीस्वंगु दु ।

संयोजक आनन्द महर्जन, मेपिं दुज:पिं प्रताप महर्जन, राजेन्द्र अधिकारी, तुसार महर्जन, अमित महर्जन, किरण कुमार महर्जन, विष्णु थापा, चिनीकाजी श्रेष्ठ, नरेश महर्जन, किपू.पाया विज्ञान के.सी. च्वंगु ख: ।

उगु समितिं किपूया थीथी वित्तीय संस्थायागु नं ग्वाहाली कया: किपूया थी थी थासय् सिसिटीभी तयगु आजु ज्वंगु दु ।

भुखाचं पिडितपिन्सं मंगलवार किपू न.पा.य् तालाबन्दी यायेगु ख्याच्व:

वंगु वैशाख १२ गते व:गु त:भुखाचं पिडितपिं किपू न.पा. वडा नं.११ पांगाया भुखाचं पिडितपिं आन्दोलित जुयाच्वंगु दु । थ:गु छें दुना:नं राजनैतिक संयन्त्र व सचिवं अनेकौं बहाना याना छुं कथंया हे ग्वाहालि कायेमखपिं किपू ११ वडाया १२३ खा छेंय्या जनता आन्दोलित जूगु दु ।

वंगु सोमवार ११ नं वडाया वडा कार्यालय तालाबन्दी याना ब्यूगु ख: । आन्दोलितजूपिं पिडिततयगु धापूकथं मेथाय् गनं भ्वसुलेत थाय्दुपिं धका: लुमन्ति वा मेगु छुं गैर सरकारी संस्थापाखें ग्वाहालिका:पिं धका: २०३ परिवार मध्ये १२३ परिवारयात भिन्त्याद्र: धेवा मव्यूगु । उगु इलय् लिपा छकल निगु लख धेवा बी धका: ह्येकूगु । अनलिपा लुमगु वस: न्यायेत धका: सरकारं म्हतिं भिद्र: धेवा बिइगु यात । उगु इलय् नं लुमन्ति, रार हिल, होमनेटं जस्तापाता कया: तहरा दय्काचर्चपिं मनूतसें भिद्र: धेवा कायेमखन । छायधा:बलय् भिन्त्याद्र: दाँ मका:पिन्त दइमखु धका: वडा सचिवं ८० म्हसित



जक बिल । थये विभेदकारी नीति जूबलय् पिडितपिं आन्दोलित जूगु ख: ।

पांगाया हे मेमेगु वडा नं.१, १० व १२ वडाय् छेंदुपिं सकसिनं भिन्त्याद्र: व भिद्र: निक: याना २५ नीन्त्याद्र: दाँ कायेधुकूगु दु । वडा नं.११ यापिन्सं जक कायेमखं बले वडाय् ता:चा ग्वयाबिल । राजनैतिक संयन्त्रया नेतात नगरपालिका वना: खल्लाबलय् नगरपालिकां सकसितं निगु लख धेवा बिइगु जुइ धइगु सुचं बिल । वहे सुचं ज्वना: भिग: सनिवा: वडा ज्याकू न्ह्योने पिडितत नापं

खल्लाबल्हा यायेत व:गु ख: । इमिसं ता:चा चायका बिइत इनाप या:सां पिडितत तयार मजुल । सकसितं समान रुपं धेवा बिइमा:गु माग यात । राजनैतिक संयन्त्रया नेतातसें गल्लीजूगु धका: स्वीकार या:सां थ:पिन्सं या:गु गल्ति भिकेगु जिम्मा नं इमिगु ख: । यदि सोमवा:तक नं छुं लिच्व: मवलधा:सा मंगलवा: नगरपालिका कार्यालय हे ता:चा ग्व:वनेगु खं बज्यूगु न्यंकल । सायद सोमवार तकया दुने सार्वजनिक सुनुवाई जुइगु सम्भावना दु ।

शिक्षा उपसमितिं ट्राफिक नियम स्यनेगु यात

समुदाय प्रहरी सेवा समितिं थ:पिनिगु ज्या सुथालाकेत डिएसपी डा.मेखबहादुर खत्रीया पहलय् किपुली थीथी उपसमिति दय्का ज्या याना: वनेगु भ्वलय् लेबोरेटरी उच्च मा.वि.या प्रिन्सिपल लाक्पा शेर्पाया संयोजकत्वय् शिक्षा उपसमिति नं नीस्वंगु दु । उगु समितिया निर्णयकथं वंगु फागुण २८ गते सुक्रवा: किपूया न्हवजा:या थातुंथासय् विद्यार्थीत च्वना लँजुवातयत लँ सिथं सिथं न्यासिवनेत इनाप या:गु ख: । अथे हे हाइस बस, बसय् दुने वना: संरक्षित सिटय् च्वयात:कथं यात्रुत तयेगु या: मया: नं स्वयेगु या:गु ख: ।

किपू लागाया १८ भिन्त्यागु स्कुलं म्हतिं ५ न्याम्ह विद्यार्थी याना: ९० गुइम्ह विद्यार्थीत व ट्राफिक प्रहरी, जनपद प्रहर ी जाना: थुगु ज्याभव: न्ह्याकूगु ख: । थ्व ज्याभव: याये न्ह्य: विद्यार्थीपिन्त ट्राफिक नियमया बारे प्रशिक्षण नं ब्यूगु ख: ।



थ:पिनिगु नेवा: भाय् व खय् भाय् न्ह्यागु भाय्या सुचनिसें च्वसू व साहित्यया नितिं थाय् मा:सा जिमित लुमंकादिसँ

तपाईको टोलमा भएका घटना कीर्तिपुरको समाचार बनाउने हो भने तपाई एक कल फोन गर्नुस् हामी तपाईको टोलको समाचार कीर्तिपुरको समाचार बनाईदिनेछौं

**कीर्तिपुरको
चित्रण**



ज्वजलपा वा:पतिइ छिगू चिनाखँ/बाखं/हाइकू विज्ञापन व मेमेगु च्वसू पिथनेगु जूसा जिमित स्वापू तयादिसँ

सकलसिगु मंका: स:



ज्वजलपा वा:पौ

किपुलिं पिदनाच्वंगु कीर्तिपुर सन्देश वा:पौ व ज्वजलपा: वा:पौया ग्राहक जुइगु नितिं स्वापू तयादिसँ

कार्यालय: निखासी टोल: कीर्तिपुर नपा-३
फोन नं.: ४३३३००७, ९८४१४०१०७७

ज्याकू: निखासी त्वा: किपू नपा-३ फोन ल्या: ४३३३००७,
९८०८६२६४२० ई-मेल : kirtipur_sandesh@live.com